

րոս և Ռուբէն Բ. որդւովքն, և տա-
րան 'ի Առասանդնուպօլիս: Աւ վասն քա-
ջութեանն Ռուբէնի զաչն կուրացուցին:
Աւ Աէոն յարդեւանս վախճանեցաւ: Աւ
յեա Ա. ամաց՝ իշխանքն Հայոց դեպա-
նըս առաքեալ առ Թագաւորն Յունաց՝
խնդրեցին զԹորոս և ետ նոցա:

Թորոս՝ որդի Աէոնի՝ եկն 'ի Առ-
ասանդնուպօլսէ, և նորոգեաց իշխանու-
թիւնն Հայոց: Սա յաւելաւ իշխանու-
թեամբ Տարսնի՝ Մասիսոյ՝ Փոխիոյ՝ և
Անարզարայի և Սաւրիոյ կողմանցն. զոր
էառ 'ի Յունաց: Աւ լուեալ Ապսրն
Յունաց Մանուէլ, զԱնդրոնիկէ զօրա-
զլուխն իւր առաքեաց ծանր զօրօք 'ի
վերայ Թորոսին: Իսկ Թորոս ելեալ ընդ
առաջ նոցա՝ կոտորեաց զՅոյնան, և առ-
եալ զկազմուած բանակին՝ դառնայր ա-
րիական անուամբ: Աւ զգերիսն 'ի պատ-
ուաւորացն 'ի վաճառ յուղարկէր 'ի բա-
նակն, և զգինս նոցունց իւր զօրացն շնոր-